

ARTICLES DE REMON-  
STRANCES FAITES EN LA  
Conuention des trois Estats de  
Normandie tenue à Rouen, le  
quinziesme iour de Nouembre,  
& autres iours ensuyuans, mil  
cinq cens soixante dix-huict,  
Avec la responce & Ordonnan-  
ce sur-ce faite par le Roy estant  
en son Cõseil, le huiëtiesme iour  
du moys de Feurier ensuyuant,  
mil cinq cens soixante & dix-  
neuf,



Faict suyuant la copie Imprimée  
à Rouen par Martin Mesgissier  
Imprimeur du Roy.

ARTICLES DE REMON-  
 STRANCES FAITES EN  
 l'assemblée générale de la  
 noblesse tenue à Rouen le  
 dix-huitiesme jour de Novembre  
 et autres jours ensuyvans l'an  
 cinq cens soixante dix-huit.  
 A la réponse & Ordonnan-  
 ce faite par le Roy es-  
 son Côté le huitiesme jour  
 du mes de fevrier ensuyvant  
 l'an cinq cens soixante & dix-  
 huit.



Sur luyant la copie imprimée  
 à Rouen par Martin Melgillier  
 Imprimeur du Roy.



O V R respondre par les  
trois estats de Normandie,  
à la demande du Roy por-  
tée par ses lettres patêtes du  
dix-neufieme iour d'Aoust  
dernier, Ont tout d'vn com-  
mun accord protesté estre  
tres-fidelles & tresobeissans

subiects, & seruiteurs de sa Majesté, Laquelle se-  
ra tres-humblement suppliée, Comme en toute  
reuerence ils la supplient de remettre les tailles  
subsidés & autres impositions en la sorte qu'ils  
estoyent du temps du temps du Roy Loys dou-  
zième, Et pourueoir quant & quant à la multi-  
plicité des Officiers qui ont esté erigez depuis  
ce temps, en maintenant l'Eglise & la Noblesse,  
& le tiers Estat, en leurs libertez & prerogatiues  
suyuant la Charte Normande.

Et ce faisant & non autrement, Accordent  
lesdicts trois Estats pour ceste année, la somme  
enquoy se montoit la taille pour le pays de Nor-  
mandie du temps dudit Roy, Suppliant sa Maje-  
sté se vouloir contenter & croire que ceste requé-  
ste prouient, non de deffaut de bonne volon-  
té, ains de l'impossibilité qui se trouue aux moy-  
ens du peuple, de continuer les charges qu'il à  
portez cy deuant, ainsi qu'il à esté en toute sub-  
iection & humilité remonstré par les deputéz  
dudit pays, Ioinctz auecques ceux des autres Pro-  
uinces de ce Royaume, aux Estatz generaux, n'a-  
gueres tenus à Bloys.

NEANTMOINS lesquelles remonstrances, & sans quel'on se soit apperceu d'aucun effect de l'assemblée desdicts Estats generaux, pour le soulagement du peuple Encores que ledit peuple y ayt vne singuliere esperance, On a leué sur la Normandie plus grandz & excessifz imposts que iamais & de façon si estrange, que lesdicts trois Estatz l'asseurent pour la persuasion qu'ilz ont de la pieté, clemence, & bonté de sadite Majesté, quelle auroit grande compassion de l'oppression, tourmens, & misere, de ses pauvres subjects, si elles luy estoient sans fard & dissimulation exposées & représentées.

ET ce qui a esté plus dur ausdicts trois Estats, & qu'on dict que la meilleure partie de ce qui a esté leué, tant sur l'Eglise que sur le peuple, Et pour daces & impositions dont la Noblesse ( qui de tout est franche & libre ) n'a esté exempté, ne sont tournez à l'acquiét de sa Majesté, n'y au proufit d'icelle. Ains d'aucuns particuliers qui pour satisfaire à leur cupidité, n'ont fait conscience ( soubz couleur des Edicts, ausquels on a baillé vn beau pretexte ) s'enrichir de l'indigence & extresme necessité des pauvres subjects dudit pays.

ENQVOY n'eust esté que lesdictz trois Estats sont opiniatremment deuotieux & tres-fidelles à sadicte Majesté, l'asseurans bien que telles inuentions & malles toutes ne viennent de son propre mouuemét, Tels autheurs eussent peu



causer vne distraction des volonte<sup>z</sup> & d'espoir  
au peuple.

A ioindre que les priuileges dudi<sup>ct</sup> pays &  
Chartre Normande, ont esté infirmez & viollez  
par vne infinité de Commissaires estrangers qui  
affluét de toutes parts audit pays. Et par les euo-  
cations octroyez à tous propos, au grand preiu-  
dice tât de ladite Noblesse que autres Estats, qui  
ne peuuent veoir que à grand regret telles per-  
turbations & confusions aux droitures & posses-  
sions, ausquelles ils ont esté maintenuz de tout  
temps, Et comme par forme de contract faict  
auec les Roys predecesseurs de sa Majesté.

M E S M E s leur sont fort griefues & domma-  
geables, l'allienation des communes, leuées de  
deniers, en plus auant que ce qui a esté demandé  
& accordé ausdicts Estatz, Actes insolens &  
plains de cruauté, que ont commis es dernieres  
années, & spécialement depuis pasques les sol-  
datz & gés de guerre, Et outre les exactions d'au-  
cuns d'iceux qui manient les finances, & dont  
lesdicts Estats se reseruent à bailler Articles par-  
ticuliers à sadite Majesté, afin qu'elle puisse co-  
gnoistre le tourment qu'on faict au peuple souz  
le manteau de son authorité Royale.

E T d'auantage vouloir reduire le nombre des  
Officiers suyuant qu'il est dict cy dessus, en suppri-  
mant les autres, sans attédre que par mort vacatiō  
y escheoye, & sans que lesdicts Officiers puissent

estre remboursez, n'i continuez en leurs gaiges,  
Attendu que telles gens n'ont prins leurs Offi-  
ces pour l'vtilité publique, moins pour le seruice  
du Roy, Mais seulement comme Sansuës, pour  
rincer le pur sang de ses pauvres vassaux, specialle-  
ment les Offices erigez depuis la mort du feu  
Roy son Pere:

A tous lesquels maux il plaira à sa Majesté pour-  
ueoir & prendre de bonne part ces tres-hum-  
bles remonstrances, comme venantès de ses tres-  
fidelles & loyaux subiectz, soucieux de la manu-  
tention de l'authorité de sadite Majesté & con-  
seruation de son estat & Couronne.

Surplians pour fin sadite Maieité ne trou-  
uer mauuais, que si la malice de ceux qui sont au-  
theurs de telles leuées de deniers extraordinaires  
& d'Edits pernicious qui sont à la ruine du peup-  
le & desolation de l'Estat Royal continuent,  
Que lesdicts Estats si opposet par toutes voyes  
deuës & à eux possibles, Et cependant empes-  
chent lesdicts estats l'execution de la demande  
de sadite Majesté contenuë en seldites patentes,  
iusques à ce qu'elle ait satisfait à leurs tres-iustes  
demandes & requestes contenuës cy dessus.

Fait & arresté en la Conuention des trois Estat<sup>s</sup> de  
Normandie tenus à Rouen le dix-neufiesme iour de No-  
uembre mil cinq cens soixante & dix-huit.

**L**E R O Y pour respondre au contenu des Remoſtrances qui luy ont eſté preſentez par les deputez des trois Eſtatz de Normandie. Leur declare qu'il porte tant de bonne volonte & affection à ſes bōs & loyaux ſubiects & qu'il à ſi cher leur bien & ſoullagement qu'il ne ſouhaiteroit rien plus en ce monde de veoir ſes affaires en tel eſtat qu'il peuſt reduire les tailles & tous autres ſubſides & impositions, à la meſme façon qu'elles eſtoient du temps du Roy Loys douziefme, Qui avoit moyen d'entretenir les deſpences de ſa maiſon & autres deſpences ordinaires de ſon Domaine propre, qui eſtoit lors de grande valeur, Mais il n'y à perſonne rā ſoit il peu cognoiſſant des affaires de ce Royaume, & des grandes deſpences eſquelles il à eſté cōſtitué par cy devant, à l'occaſion des troubles & guerres intēſtines que ſa Maieſté à trouuées des ſon aduenemēt à la Courrōne, qui ne ſache biē bien qu'elle ne peut en ſorte du monde entretenir & conſerver ſon eſtat, ſans eſtre ſecouru de ſon peuple des meſmes ſommes de deniers qui ont eſté leuez pour les tailles, taillon, & crēes, es années precedentes, que par ſes Commiſſions elle à voulu eſtre aſſiſes en la preſente, encorès qu'elle ait reſtrainct le plus qui luy à eſté poſſible les deſpences d'allentour ſa propre perſonne, de ſa maiſon, de ſes gens de guerre, & reduict toutes autres choſes au moins qu'elle à peu. Par tant deſire elle que ne ſe monſtrās les ſuppliās moins affectionnez au ſecours de ſesdites affaires, qu'ils

ont esté par le passé, Mesmement à ceste heure  
que le besoing est autant ou plus grand que ia-  
mais, de faire cognoistre leur bonne volonté, à  
cause de la diminution notable qui se trouue,  
Au reueu duquel elle souloit faire cy deuant  
estat, Ilz accordent volontairement la leuée des  
sommes requises par la Commission présentée  
aux Estatz, Pour l'assiette desquelles elle a fait  
despescher ses Commissions particulieres, se re-  
seruant neant-moins à pourueoir particuliere-  
ment de telle descharge qu'elle aduifera raison-  
nablement, aux élections qui se trouueront le  
meriter, pour auoïresté plus foulez que les autres  
Et ce faisant sa Majesté, encôres qu'elle eust assi-  
gné plusieurs de ses despences fort pressees & ne-  
cessaires sur le vingtiesme de la taille, qui ne peu-  
uent estre reculez, que avec discommodité de  
ses affaires, à voulu descharger, comme elle des-  
charge de sa present ledict pays de Normendye,  
de ce qui reste à leuer du vingtiesme de la taille,  
Afin que le peuple cognoisse combien elle desi-  
re les soullager.

**E**T Quand à ceux du Clergé les voullant trai-  
ter fauorablemēt, les à descharges & descharge, tāt  
du payement de la decime & demie, que de l'en-  
prunt qu'elle a cy deuant demandé au lieu d'ic-  
celle.

**P**OVR LE REGARD de la multiplicité des  
Officiers nouuellement creez, chacun peult assez  
cognoistre que sa Majesté y est entrée comme  
contrain-



contrainte, par la grande necessité de ses affaires,  
A quoy elle à voulu remedier Incontinent que  
les choses ont esté reduittes en meilleur estat, en  
faisant son Edict de suppression d'iceux Offices  
vaccation aduenant par mort ou forfaiture,  
Neant-moins sil se trouuoit que ceux desdicts  
Estatz iugeassent aucunes des Offices nouuelle-  
mēt crigez, estre tāt à la charge du peuple qui ne  
s'en peult attendre vne suppression & extinctiō  
iuques à la vacation, mais fust de besoing de les  
fectuer desapresent, ladite Majesté l'accordera  
fort voluntiers, moyennant qu'ilz veillent en-  
trer au remboursement des deniers qui ont esté  
actuellement fournies en ses finances pour iceux  
Offices sans lequel remboursement elle pense  
ne pouuoir faire à present ladite suppression,  
pour rendre quelque iustice à ceux qui les ont  
acheptez, Et d'autant qu'il à esté remonstré ver-  
balemēt par lesdictz deputez, qu'il y a beaucoup  
d'Officiers qui se trouuent chargez & coulpab-  
les de plusieurs fautes & maluersations commi-  
ses en leurs estats, Sa Maiesté commettra vne des  
Chambres de la Court de Parlement de Rouē,  
ou autres iuges d'icelle non suspectz iusques au  
nombre de douze, pour congnoistre & iuger des  
dites maluersations, Affectant les deniers qui  
prouiendront des condamnations, au rembour-  
sement des autres Officiers supprimables.

Et quand à ce que lesdictz des Estatx se plai-  
gnent de ce que les priuileges & la Chartre Nor<sup>te</sup>

mande leur sont grandement infirmez par vne  
infinite de Cômmissaires estrangers, & par les euo-  
cations qui sont souuent expedices, Sadite Ma-  
jesté à toute volunté de leur maintenir leursdictz  
priuileges, & semblablemēt la dite Chartre Nor-  
māde, Sur laquelle neant-moins elle desire estre  
auparauant bien patticulierement informée par  
les gens de la Court de Parlement, S'estāt vōlū  
priuer volontairement d'accorder plus aucunes  
lettres d'euocation, sinon celles qui se trouuent  
raisonnables, & es cas portez par les Ordonnan-  
ces sur ce faites par ses predecesseurs Roys & sa-  
dite Majesté, Ce qu'elle a de nouveau ordonné  
en la responce faite sur les Cayers des Estatz ge-  
neraux de son Royaume.

EE POUR LE REGARD de l'alienation  
qui a esté faite des communes audict pays, & des  
deniers qui ont esté quelquefois leuez d'auantai-  
ge que les sommes demandez par la Commissiō  
generale des Estatz, la mesme necessité des affai-  
res de sa Maieité dont est faict mention cy deuāt  
en a esté cause, Mais elle accorde pour rendre au  
peuplē & vilages la commodité qu'ils souloyent  
percepuoir desdites Communes que en tous les  
endroictz ou ilz voudrōt rembourser les acq-  
reurs de ce qu'ilz ont payé pour icelles avec leur  
loyaux coustz, ilz se puissent faire, & rentrer en  
telle possession & vſance desdites communes  
qu'ilz estoient au parauant, sans qui leur puisse  
estre en cē faict aucun reffuz ou difficulté par les  
acquerens. Et à c'est effect leur seront données

toutes les provisions requises & necessaires, accordant aussi tres-voluntiers sadite Maieſté, qu'il ne sera faict d'oresnauant aucune leuée de deniers dedans ledit pays, que par la Commission generale des Eſtatz, ſi ce n'eſt en cas de bien urgente neceſſité, qui ne puiſſe attendre la teneuë d'iceux eſtatz.

Et pour ſin de ceſte preſente reſponce ſadite Maieſté deſire que ſes ſubiectz dudict pays de Normandie ſe tiennent aſſurez que les ayment cherement comme elle faict ſelon le merite, loyauté & fidelité qui luy ont demōſtrée en toutes occasions, de laquelle elle ſe promect qu'ilz ne voudront denier, elle à porté & porte plus de regret que nul autre, d'autant qu'elle ſçait auſſi qu'ilz luy ſont commis de Dieu, Pour les conſeruer des foulles & oppreſſions des gés de guerre, qu'ilz ont dernièrement ſouffertes. A quoy elle à eſſayé de remedier par tous les moiés qu'il luy ont eſté poſſibles, mais elle eſpere q̄ moyennant le bon ordre & reglement qu'elle donne maintenant ſes affaires ils ne tumberōt plus en telles calamitez, Ains ſentiront pluſtoſt en tout & par tout vng doux & gratieux traictement, & tant de bons effectz de ſa droite intétion à leur bien & ſoullagement qu'ilz auront occaſion de ſen louer, & de benir perpetuellement les ans de ſon regne. A quoy pour commencer elle à voulu preſentement deſcharger des compaignies de gens de pied qui eſtoient departies par ledict pays de Normandie. Leſquelles elle à ordonné eſtre licenciées, & que toutes les garniſons du-

dict pays seront reduittes à present es villes du  
Haure de grace, de Caen, Dieppe, Cherebourg,  
Granville, & ce qui est dans le Pallais de Rouen.

O V L T R E tout ce que dessus sadite Majesté  
à reuocqué plusieurs Edictz & cōmissions qui ve-  
noient à la charge de son peuple, ainsi qu'il se  
verra par la respōce faite sur les cayers des Estatx  
generaux de son Royaume, qui seront bien tost  
à la Court de Parlement de Rouen, pour y estre  
publiez selon qu'il est requis.

*Faict à Paris le huietieme iour de Feburier, mil cinq cēs  
soixante & dix-neuf.*

E T pour ce qu'il à esté verbalement requis par  
lesdictz depputez, de leur permettre de s'assem-  
bler de nouveau, C'est chose que sadite Majesté  
leur accorde de pouuoir faire au quinziesme du  
mois de Mars prochain, mais ce pendant veut  
elle qu'ilz tiennent la main & donnent ordre en-  
tant que à eux peut toucher que la levée des tail-  
les & taillon se face, suyuant les Commissiōs par-  
ticulieres qui ont esté sur ce depeschez, sās qu'il  
y aict aucune retardation desditz deniers, & que  
en cela ilz rendent tesmoignage de l'affection  
qu'ils ont de subuenir à ses affaires, comme elle  
l'attend & espere d'eux.

Faict les iour & an que dessus.

Signé HENRY.

Et plus bas, BRYLART. vn paraphe.